

Ո Ր Ո Շ ՈՒ Մ N 292/6
/վարչական տույժ նշանակելու մասին/

«26» հոկտեմբերի 2018թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ՝ Մելքոն Աղաջանյանս, քննելով Մալդոնադո Գուախանի /անձն. 1001776358, քաղաքացիություն՝ Էկվադոր/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Էկվադորի քաղաքացի Մալդոնադո Գուախանի անվամբ 30.08.2018 թվականի թիվ 05100033/300818/0000260234 մաքսային մուտքի օրդերով «Ժամանակավոր ներմուծում» մաքսային ընթացակարգով 30 օր ժամկետով ՀՀ տարածք է ներմուծվել RENAULT-MASTER մակնիշի, LO-5699-S պետհամարանիշի, 1998 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը սահմանվել է մինչև 29.09.2018 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնի ավագ մաքսային տեսուչ-իրավաբանի կողմից 05.10.2018 թվականին Մալդոնադո Գուախանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկատվություն ստանալու նպատակով: Պատասխան գրությունից պարզվել է, որ RENAULT-MASTER մակնիշի, LO-5699-S պետհամարանիշի, 1998 թվականի արտադրության տրանսպորտային միջոցը 30.08.2018 թվականին Բագրատաշենի մաքսային կետ-բաժնով ներմուծվել է ՀՀ, սակայն հետագա արտահանման պարտավորությունը չի կատարվել:

Մալդոնադո Գուախան 05.10.2018թ. դիմում է ներկայացրել ՀՀ ՊԵԿ, որով հայտնում է, որ ՀՀ տարածք է ներմուծել 1998թ. RENAULT-MASTER մակնիշի տրանսպորտային միջոց: ՀՀ-ից բացակայելու պատճառով ուշացրել է ժամկետի երկարաձգումը և խնդրում է ազատել համապատասխան տուգանքներից, ինչպես նաև թույլատրել երկարաձգել տրանսպորտային միջոցի ՀՀ-ում գտնվելու ժամկետը՝ 180 օրով:

Նշանակվել է գործի քննություն 23.10.2018 թվականին ժամը 15:00-ին, վերջինս պատշաճ ծանուցվել և ներկայացել է գործի քննությանը:

Մալդոնադո Գուախանը 23.10.2018թ. դիմում է ներկայացրել ՀՀ ՊԵԿ և խնդրել գործի քննությունը հետաձգել, քանի որ ցանկանում է լրացուցիչ ապացույցներ ներկայացնել: Գործի քննությունը հետաձգվում և նշանակվում է 26.10.2018թ. ժամը 17:00-ին: Վերջինս պատշաճ ծանուցվում է, սակայն չի ներկայանում վարույթի քննարկմանը:

26.10.2018թ. Մալդոնադո Գուախանը մեկ այլ դիմում է ներկայացրել, որով խնդրում է վերանայել ՄՄՕ-ում նշված տրանսպորտային միջոցի արժեքը:

Տրանսպորտային միջոցի մաքսային մուտքի օրդերում «Մաքսային մուտքի օրդերի ձևի և մաքսային մուտքի օրդերը լրացնելու և կիրառելու կարգի մասին» Մաքսային Միության հանձնաժողովի 2010թ. հունիսի 18-ի 288-րդ որոշմամբ հաստատված կարգի «ՄՄՕ-Ն և ՄՄՕԼ-ը լրացնելու և տեղեկությունները փոփոխելու ընդհանուր սկզբունքները» բաժնի 8-րդ կետի համաձայն կատարվել է փոփոխություն՝ վերագնահատվել է ապրանքի արժեքը:

Տրանսպորտային միջոցի մաքսային արժեքն՝ ըստ վերագնահատված մաքսային մուտքի օրդերի կազմում է 690383 ՀՀ դրամ, որի «Բաց թողնում՝ ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 359000 ՀՀ դրամի չափով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մաքսային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Սույն դեպքով Մալդոնադո Գուախանի անվամբ 30.08.2018թ. թիվ 05100033/300818/0000260234 մաքսային մուտքի օրդերով ՀՀ ներմուծված RENAULT-MASTER մակնիշի, LO-5699-S պետհամարանիշի տրանսպորտային միջոցի ժամկետը ավարտվել է 29.09.2018թ.-ին, սակայն Մալդոնադո Գուախանը սահմանված ժամկետում չի դիմել մաքսային մարմիններին ժամանակավոր ներմուծման ժամկետը երկարաձգելու խնդրանքով, ավտոմեքենան չի ձևակերպել <<Մաքսային պահեստ>> մաքսային ընթացակարգով, ինչպես նաև վերջինս չի դիմել "Ժամանակավոր ներմուծում" մաքսային ընթացակարգի ժամկետի երկարաձգելու խնդրանքով:

Վարչական իրավախախտումների վերաբերյալ գործերի վարույթը բացառող հանգամանքները սահմանված են Օրենսգրքի 247-րդ հոդվածով: Հետևաբար Մալդոնադո Գուախանի ՀՀ-ում չգտնվելու փաստը չի կարող դիտարկվել որպես պատասխանատվությունը բացառող հանգամանք:

Այսպիսով վարչական մարմինը քննելով գործում առկա ապացույցները գտնում է, որ Մալդոնադո Գուախանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար Իսպանիայի քաղաքացի՝ Մալդոնադո Գուախանին ենթարկել վարչական պատասխանատվության՝ տուգանելով 179500 ՀՀ դրամի չափով:
2. Որոշման մասին հայտնել Մալդոնադո Գուախանին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. **900005024055՝ գումարի 70% և 900233586016՝ գումարի 30% (ՀՀ պետական բյուջե, կենտրոնական գանձապետարան, Արևմտյան մաքսավորւն-վարչություն, ԿՈՂ 29):**

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ



Մ. ԱՂԱՋԱՆՅԱՆ